

779

(...)

Pendaries, Testamant

Au nom de dieu soict sachent tous presans  
et advenir que l **an mil six cens soixante six**  
et le **dixneufviesme** jour du mois de **febvrier**  
apprés midy a **villemur** dioceze bas montauban  
et seneschaucé de th(ou)l(ous)e regnant nostre tres chrestien  
prince louis quatorziesme par la grace de  
19

dieu roy de france et de navarre pardevant  
moy no(tai)re royal soubz(sig)<sup>ne</sup> et presans les tesmoings  
bas nommes **dans ma boutique** estably en  
sa personne **françois pendaries laboureur**  
**du lieu des filhols** juridi(cti)on dud(it) villemur  
lequel se trouvant par la grace de dieu  
en santé de son corps et en son bon sens, juge(ment)  
memoire et cognoissance, bien voyant oyant  
et( )parlant comme a appareu a moy dict no(tai)re  
et tesmoings, a de son bon gré pure et franche  
volonté non seduit ny suborné de personne  
comme a( )dict dispoze de( )ses biens par son  
presant testamant noncupatif qu( )il a( )faict  
et réglé en la forme suivante premierement  
auroict invoqué le nom de dieu le suppliant  
luy voulloir faire pardon et misericorde  
par l( )aplica(ti)on du benefice de la mort  
et passion de nostre seigneur jesus christ  
et par l( )intercession de la sainte et bien  
heureuze vierge marie et de tous les  
saintz de paradis, et a declairé sa volonte  
estre qu'après son decés, son corps soict  
ensepvely au simettiere de ceux de la religion  
catholique apostolique romaine de villemur  
en la forme de ladicte religion et que ses

780

honneurs funebres ]soient[ faictés a( )la  
discrection de( )**jeanne mercadiere sa femme**  
laquelle le testatrix velt que soict jouissante  
de tous et chacuns ses biens meubles et  
immeubles pendant sa vie pour subvenir  
a son entretenemant ]sans-estre[ obligé  
donner aucun compte en payant la taille  
et oblies ou rente desd(its) biens s ilz en font  
et la moitié des intherestz des sommes deues  
par ledict testateur, et au moyen de c sad(ite)

femme ne pourra prethendre autre pention  
ny droict d augmant, item a declairé led(it)  
testateur que par le contract de **mariage  
de feu jeanne pendaries sa filhe et de  
feu guilhelmette ruffet sa premiere femme  
avec feu françois fabre** receu par feu  
m(aîtr)e jean bascou no(tai)<sup>re</sup> dud(it) villemur il  
auroict constitué dot a sad(ite) filhe dont le  
payement a esté faict, outre laquelle constitu(ti)on  
ledict pendaries donne et legue a **guilhaume  
et jeanne fabres** filz desdictz feus fabre  
et pendaries mariés **ses petitz filz** la somme  
de trante livres qu est quinze livres pour  
chacun paiables lors que l( )herettier bas  
nommé aura attaint l( )aage de vingt cinq  
ans sans intherest, et moyenant ce led(it)  
testateur veult que sesd(its) petitz filz ne

puissent autre chose demander sur  
ses biens, item a declairé led(it) testateur  
que par les contractz de **mariage de marie  
et anthoinette pendaries ses filhes et de  
jeanne mercadiere sa femme avec jaques  
ver et gaspard pendaries** receus par moy  
dict no(tai)re il auroict constitué a chacune de  
sesdictes filhes la somme de deux cens  
dix livres et autres choses contenues ausd(its)  
contractz dont l( )entier payemant de la( )dot  
de ladicte ]Jeanne[ marie a( )esté faict et de la plus  
grand partie de la( )dot de lad(ite) anthoinette desquelz  
payemens y a quittances a laquelle marie led(it)  
testateur donne et legue par augmanta(ti)on de  
leguat la somme de cinquante livres, payable  
a icelle marie sans intherest lors que l( )herettier  
aura attainct l( )aage de vingt cinq ans, et a lad(ite)  
anthoinette son autre filhe la jouissance de  
ses biens pendant sa vie appres le decés de lad(ite)  
mercadiere, et moyenant ce veult que sesd(ites) filhes  
ne puyssent autre chose demander sur  
ses biens et hereditté, item a declairé  
led(it) testateur qu( )il veult et entend que **franchoise  
pendaries filhe de gabriel pendaries son nepveu  
et de marie delpech** demeure subrogé a  
la portion et moitie que luy compette du  
colloge comunq entre luy et led(it) gabriel pendaries  
des pieces a eux bailleés par feu pierre verdier

781

bourgeois sauf qu( )il veult que lesd(ites) pere  
et mere de lad(ite) franchoise jouissent dudict  
colloge pendant leur vie en paiant la  
rente aux heréttiers dud(it) verdier et les  
autres charges desd(its) biens et en tous et

chacuns les autres biens noms voix droictz  
et actions presans et advenir dud(it) françois  
pendaries testateur icelluy a nommé et  
institué pour **son herettier universsel  
et general françois pendaries filz dud(it)  
gaspard et de lad(ite) anthoinette pendaries  
son petit filz et filheul** pour desd(its) biens  
en pouvoir disposer a ses plaisirs et volontés  
a la vie et a la mort, desquelz biens ledict  
herettier ne pourra avoir la jouissance  
qu'apres le decés de ladicte mercadiere et de  
ladicte anthoinette sa mere quy doibvent  
jouir desd(its) biens pendant leur vie en la forme  
susc(ite), et ainsy ledict testateur a disposé  
de ses biens par son presant testamant  
noncupatif, lequel il a volleu estre valable  
par la meillheure forme de droict, et a ces fins  
a cassés et annulles tous testamans et  
dispositions precedentes, sy a pryés les  
tesmoins par luy recogneus comme  
pareillement ilz l ont recogneu a luy de  
l( )attester et a( )moy no(tai)<sup>re</sup> de luy en rettenir  
acte concedé es presances ]de[ de pol

peyrat anthoine lavernhe marchans gabriel  
astie maistre chirurgien, pol bousquet pra(tici)en  
isac auriol marchand, jean vendilhe *mer...*  
habitans de villemur signés, jean vaquie  
filz d autre jean et jean hugonnenc habitans  
dud(it) villemur quy ont (*dit*) et ledict testateur ne  
scavoit et moy no(tai)re requis /.

Astier                      P. Peirat, p(rése)nt  
Lavernhe                      Auriol Vindilhes  
Bousquet, p(rése)nt  
                                    Esteverin,  
                                    not(aire)

*Mention marginale*

il y a quitt(an)ce  
du leguat fait  
par feu fran(çois)  
pendaries a marie  
pendaries receue  
par m(aîtr)e timbal  
no(tai)re le 9<sup>e</sup> 9<sup>bre</sup>  
1688

---